

潛

夫

論

潛夫論卷第七

蕭山汪繼培箋

夢列第二十八

凡夢有直有象有精有想有人有感有時有反有病
有性在昔武王邑姜方震太叔夢帝謂已命爾子虞
而與之唐及生手掌曰虞王先生云因以爲名成王

滅唐遂以封之

昭元年左傳

此謂直應之夢也

論衡紀妖篇云或曰

人亦有直夢夢見甲明日則見甲矣夢見君明日則見君矣曰然人有直夢直夢皆象也其象直耳詩

云維熊維羆男子之祥維虺維蛇女子之祥斯衆維

魚矣實維豐年旒維旗矣室家蓁蓁

無羊蓁蓁今作漆漆旗舊作旒

据程

此謂象之夢也

王先生云象下脫一字

孔子生於亂世莊

讓王篇孔子曰今吾抱仁義之道以遭亂世之患

日思周公之德夜即夢之

論語此謂意精之夢也人有所思即夢其到有憂即夢

其事此謂記想之夢也今事

王先生云今疑作同俗書同爲空空今形近之

誤貴人夢之即爲祥賤人夢之即爲妖君子夢之即

爲榮小人夢之即爲辱此謂人位之夢也晉文公於

城濮之戰夢楚子伏已而盥其腦

傳廿八年左傳

是大惡也

及戰乃大勝此謂極反之夢也陰雨之夢使人厭迷

陽旱之夢使人亂離大寒之夢使人怨悲大風之夢

使人飄飛

迷離悲飛韻

此謂感氣之夢也春夢發生夏夢

高明秋冬夢熟藏

生明藏韻

此謂應時之夢也陰病夢寒

陽病夢熱

素問脈要精微論云陰盛則夢涉大水恐懼陽盛則夢大火燔灼亦見列子周穆王

篇

內病夢亂外病夢發百病之夢或散或集

熱發此集韻

謂氣之夢也

孫侍御云氣上當有病字繼培按素問論衡訂鬼篇云舉痛論云黃帝曰余知百病生於氣也

論衡訂鬼篇云

人之情心好惡不同

王侍郎云據下云心精好惡情

病篤者氣盛

當作精繼培按論衡書虛篇云情心不同超奇篇亦

云表著清心是情心連文之證管子內業篇云彼心

之情利安以寧襄卅一年左傳子產曰人心之不同

如其面焉漢書元帝紀永光四年詔曰公卿大夫好

惡不或以此吉或以此凶當各自察常占所從

同此謂性情之夢也故先有差忒者

忒舊作武據天中記廿三改按說文

云忒失常也忒更也謂之精

王先生云謂之精上有

經典多借忒為忒

謂之精

王先生云謂之精上有

夢之大畧而文止言其入必晝有所思夜夢其事乍

吉乍凶善惡不信者

凶善二字舊倒

謂之想貴賤賢愚男女

長少謂之人風雨寒暑謂之感五行王相謂之時

周禮

占夢掌其歲時觀天地之會辨陰陽之氣鄭注陰陽

之氣休王前後自虎通五行篇云木生火火生土土

生金金生水水生木是木王火相土死金囚水休

五行大義云五行體休王者春則木王火相木休金

囚土死夏則火王土相木休水囚金死六月則土王

金相火休木囚水死秋則金王水相上休火囚木死

冬則水王木相陰極卽吉陽極卽凶謂之反觀其所

疾察其所夢謂之病心精好惡於事驗脫一謂之性

凡此十者占夢之大畧也

孟子云此其大畧也

而決吉凶者之

疑類以多反其何故哉

何舊脫按交際篇云斯何故哉今據補

豈人覺

爲陽人寐爲陰

論衡紀妖篇云臥夢爲陰候覺爲陽占

陰陽之務相反

故邪此亦謂其不甚者爾借如使夢吉事而已意大

喜樂

以下文例之此脫二字

發於心精則真吉矣夢凶事而已

意大恐懼憂悲發於心精卽真惡矣所謂秋冬夢死

傷也吉者順時也雖然財爲大害爾由弗若勿夢也

所謂以下文有脫誤王先生云秋冬夢死傷疑是凡釋五行王相謂之時義上當有春夏夢生長語

凡

察夢之大體清絜鮮好貌堅健

貌上脫一字

竹木茂美宮

室器械新成方正開通光明溫和升上向興之象皆

爲吉喜謀從事成

晏子春秋問上景公曰謀必得事必成

諸臭汗腐爛

枯槁絕霧

絕當作晦說文云晦不明也晦絕字形相近書盤庚予不掩爾善五經異義作不絕

見詩文王疏此其比也霧與雲通洪範曰蒙鄭康成
本作雲云雲者氣不釋鬱冥冥也史記宋世家亦作
霧

傾倚微

疑

邪劓則不安

說文云藥觸不安也引易困九五藥觸困于赤芾王

弼本作劓則乾鑿度云至于九五劓則不安

閉塞幽昧解落墜下向衰之

象皆爲

下脫

計謀不從舉事不成妖孽怪異

漢書五行志云

凡草木之類謂之妖妖猶天胎言尚微蟲
豸之類謂之孽孽則牙孽矣說文作孽

可憎可惡

之事皆爲憂圖畫卹胎

卹當作卵胎物之未成者故爲見欺給易林晉之益震

之觀並云缺破不成胎卵未生弗見兆
形或云殖聲誤爲卹說文云殖胎敗也

刻鏤非眞瓦

器虛空皆爲見欺給

與詒同

倡優俳僂侯

疑

小兒所戲

弄之象皆爲懼笑

懼舊作觀据何本

此其大部也夢或甚顯

而無占或甚微而有應何也曰本所謂之夢者困不

了察之稱

了爲僚之假借說文云僚慧也惛不僚也一切經音義廿一引作不了後漢書孔融

傳小而聽了

而惛憤冒名也

說文云惛惛也惛不明也情蓋惛之別體爾雅

釋訓云僂僂洞洞惛也

釋文僂僂字或作僂洞洞本

或作僂說文引爾雅僂僂僂今

故亦不專信以斷事人

對計事起而行之尚有不從况於忘忽雜夢

忘讀若

云無狀之狀無象之象是爲忽恍淮南子原道訓云

驚恍忽高誘注恍忽無之象也禮記祭義云夫何慌

也察于荒忽漢書司馬相如傳云軋物荒忽張揖曰

惟其時有精誠之所惑薄神靈之所告者

呂氏春秋

今夫攻者砥厲五兵侈衣美食發且有日矣所被攻

者不樂非或聞之也神者先告也身在乎秦所親愛

替未論卷七
四初海樓本

在於齊死而志氣不安精或往來也此所言即其義
淮南子天文訓云陰陽相薄感而為雷高誘注薄迫
也感也乃有占爾是故君子之異夢非妄而已也必有

事故焉小人之異夢非稟舊作而已也時有禎祥焉

禎舊作真据程本改禮記中庸云必有禎祥是以武丁夢獲聖而得傳說

楚二世夢白虎而滅其封滅字舊脫据何本補事見史記秦始皇紀封猶邦也

夫奇異之夢多有故而少無為者矣今一寢之夢或

屢遷化百物代至而其主不能究道之故占者有不

中也此非占之罪也乃夢者過也或言夢審矣而說

者不能連類傳觀故其善舊脫惡有不驗也此非書之

罔乃說之過也是故占夢之難者讀其書為難也晏子

春秋雜下占夢者曰請反具書漢書藝文志雜占類
黃帝長柳占夢十一卷甘德長柳占夢二十卷隋書
經籍志五行類京房占夢書三卷夫占夢必謹其變故審其徵候內

考情意外考王相卽

與則同

吉凶之符善惡之效庶可

見也且凡人道見瑞而修德者福必成見瑞而縱恣

者福轉爲禍見妖而驕侮者禍必成見妖而戒懼者

禍轉爲福

呂氏春秋制樂篇湯曰吾聞祥者福之先

先者也見妖而爲善則禍不至治要載桓譚新論云

災異變怪者天下所常有無世而不然逢明主賢臣

智士仁人則修德善政省職慎行是故太姒有吉夢
文王不敢康吉祀於羣神然後占於明堂並拜吉夢

修省

舊作發

戒懼聞喜若憂故能成吉以有天下

御覽八十

四引帝王世紀云文王自商至程太姒夢見商庭生
棘太子發取周庭之梓樹之於闕間梓化為柎柏柎
棧覺而驚以告文王文王不敢占召太子發命祝以
幣告於宗廟羣神然後占之於明堂及發並拜吉夢
遂作程寤按程寤解出周書今
亡御覽及藝文類聚多引之
虢公夢見蓍收賜之

上田自以爲有吉凶

舊作因

史歸令國賀夢

晉語

聞憂而

喜故能成凶以滅其封易曰使知懼又明於憂患與

故

繫辭下傳

凡有異夢感心以及人之吉凶相之氣色無

問善惡常恐懼修省以德迎之

易震象曰君子以恐懼修省淮南子繆稱

訓云身有醜夢不勝正行國有妖祥不勝善政

乃其逢吉

書洪範云子孫其逢吉

天祿

永終論

語

釋難第二十九

庚子

王先生云庚疑唐字之誤唐空也唐子設詞卽亡是公子虛之類

問於潛夫曰

堯舜道德不可兩美實若韓子戈伐之說邪

韓非子

伐作矛楯詩小戎云蒙伐有苑毛傳伐中干也按伐

爲駮之借方言云盾自闕而東或謂之駮或謂之干

關西謂

潛夫曰是不知難而不知類今夫伐者盾也

厥性利戈者矛也厥性害是戈

舊作

爲賊伐爲禁也

其不俱盛固其術也夫堯舜之相於

相於兩相加被

傳疏引鄭康成箴膏肓云禮天子於二王後之喪合

爲先禭次之則次之賻次之於諸侯舍之則之小君

亦如之於諸侯臣禭之諸侯相於如天子於二王後

儀禮聘禮鄭注大問曰聘諸侯相於久無事使卿相

問之禮易林蒙之巽患解憂除王母相於與喜俱來

使我安居藝文類聚五十三孔融與韋林甫書曰疾

動不得復與足下岸憤廣坐舉杯相於以爲邑邑急

就篇有尚自於一人言自於二人言相於呂氏春秋

不侵篇云豫讓國土也而猶以人之於已也
為念高誘注於猶厚也相於亦相厚之意矣人也非

戈與伐也其道同仁不相害也伐害舜伐何如弗得

俱堅堯伐何如不得俱賢哉堅賢韻兩伐且夫堯舜

之德譬猶偶燭之施明於幽室也禮記仲尼燕居云

非燭何見前燭即盡照之矣後燭入而益明此非前

燭味而後燭彰也乃二者相因而成大光二聖相德

而致太平之功也德何本作得德得古字通漢書王

湯文武之君獲稷契皋陶伊尹呂望明明在朝穆穆

列布聚精會神相得益章故聖主必待賢臣而弘功

業俊士亦俟明是故大鵬之動非一羽之輕也莊子

遊篇云鵬之背不知其幾千里也怒而飛其翼若垂

天之雲詩簡兮疏引五經異義云公羊說樂萬舞以

鴻羽取其勁輕一舉千里抱
朴子廣譬篇云六翮之輕勁騏驥之速非一足之力

也衆良相德

與得同

而積施乎無極也堯舜兩美蓋其

則也

力極則韻

伯叔曰

王先生云伯叔是唐子之誤伯是唐之壞叔字草書如子也吾

子過矣

儀禮士冠禮鄭注吾子相親之辭吾我也子男子之美稱

韓非之取矛盾

以喻者將假其不可兩立以詰堯舜之不得並之勢

而論其本性之仁與賊不亦失是譬喻之意乎潛夫

曰夫譬喻也者生於直告之不明故假物之然否以

彰之

墨子小取篇云辟也者舉物而以明之也辟卽譬之省荀子非相篇云談說之術分別以喻之

譬稱以明之淮南子要畧云假象取耦以相譬喻

物之有然否也非以其文

也必以其真也今子舉其實文之性以喻而欲使鄙

也釋其文鄙也惑焉且吾聞問陰對陽謂之彊說論

西詰東謂之彊難子若欲自必以則昨反思然後求

無苟自彊

自必以下
文有脫誤

庚子曰周公知管蔡之惡以相

武庚

舊脫孫侍御補史記管蔡世家云
二人相紂子武庚祿父治殷遺民

使肆厥毒從

而誅之何不仁也若其不知何不聖也二者之過必

處一焉

本孟
子

潛夫曰書二子挾庚子父以叛

孟先生
云庚子

父當是武庚祿父與上脫武字子是祿之蝕而僅存
者繼培接管蔡世家云管叔蔡叔疑周公爲之不利
於成王乃挾武庚以作亂漢書翟方進傳云
昔成王幼周公攝政而管蔡挾祿父以叛然未知

其類之與抑抑相反

文有
脫誤

且天知桀惡而帝之夏又

知紂惡而王之殷使虐二國殘賊下民多縱厥毒滅

其身

滅上脫一字韓詩外傳十公子晏子曰昔者桀殘賊海內賦歛無度萬民甚苦是故湯誅之爲

天下戮笑白虎通禮樂篇云殷紂爲惡日久其惡最甚斯涉刳胎殘賊天下孟子云賊仁者謂之賊賊義者謂之殘殘賊之人謂

之一夫聞誅一夫紂矣

亦可謂不仁不知乎庚子曰

不然夫桀紂者無親於天故天任之

舊

而勿憂

晉語云輕

其任而不憂其危

誅之而勿哀今管蔡之與周公也有兄弟

之親有骨肉之恩

漢書五行志董仲舒云多兄弟親戚骨肉之連

不量能而

使之不堪命而任之故曰異於桀紂

舊

之與天也潛

夫曰皇天無親

傳六年左

帝王繼體之君

繼體注見五德志

父事天王者爲子故父事天也

漢書郊祀志王莽奏言王者父事天故爵

稱天子白虎通爵篇云爵所以稱天子者何王者父天母地爲天之子也

率土之民莫非

王臣也

詩北山

將而必誅

昭元年公羊傳

王法公也無偏無頗

書洪範

親疎同也

公同韻

大義滅親

隱四年左傳

尊王之義也

立弊之天爲周公之德因斯也

文有脫誤

過此而往者未

之或知

易繫辭下傳義斯知韻

秦子問於潛夫曰耕種生之本

也學問業之末也老聃有言大丈夫處其實不居其

華而孔子曰耕也餒在其中學也祿在其中

論語敢問

敢舊作敦据程本

今使舉世之人釋耨耒而程相羣於學何

如潛夫曰善哉問君子勞心小人勞力

襄九年左傳知武子語

故孔子所稱謂君子爾今以目所見耕食之本也以

心原道卽

與則同

學又耕之本也易曰立天之道曰陰

與陽立地之道曰柔與剛立人之道曰仁與義

說卦傳

天反德者爲災

此語上下有脫誤當設爲問辭下乃答之宜十五年左傳云天反時爲災

地反物爲妖民反德爲亂則妖災生此文蓋用其說 潛夫曰嗚呼而未之察

乎吾語子夫君子也者其賢宜君國而德宜子民也

注見三式篇 宜處此位者惟仁義人故有仁義者謂之君

子昔荀卿有言夫仁也者愛人愛人故不忍危也義

也者聚人聚人故不忍亂也

荀子議兵篇作彼仁者愛人愛人故惡人之害

之也義者循理循理故惡人之亂之也 是故君子夙夜箴規蹇蹇匪懈

者

易蹇六二王臣蹇蹇詩烝民云夙夜匪解箴規見明闇篇注

憂君之危亡

毛詩山有

樞序云政荒民散將以危亡 哀民之亂離也

詩四月云亂離瘼矣

故賢人君

子推其仁義之心愛

下脫二字

之君猶父母也愛居世之

民猶子弟也父母將臨顛隕之患子弟將有陷溺之

禍者

孟子云陷溺其民

豈能墨乎哉

墨讀爲默說文云默讀若墨漢書李陵傳陵墨

不應田蚡傳嬰墨墨不得意墨皆默之首

是以仁者必有勇

論語

而德人必

有義也

文子微明篇云次五有德人

且夫一國盡亂無有安身

呂氏

春秋論大篇云天下大亂無有安國一國盡亂無有安家一家皆亂無有安身亦見務大篇

詩云

莫肯念亂誰無父母

水

言將皆爲害然有親者憂將

深也是故賢人君子既憂民亦爲身作

字誤

夫蓋滿於

上沾溥在下棟折榱崩懼有厥患

魯語叔孫穆子曰夫棟折而榱崩吾

懼

故大屋移傾

說文云墜落也傾仄也移傾卽墜傾假借字

則下之人

不待告令各爭其柱之

其當作其柱謂楹柱之太玄經上次七升於顛臺或柱之

材或云其當爲楹聲之誤也亦作枝柱後漢書崔駰後實傳云枝柱邪傾楊震傳云宮殿垣屋傾倚枝柱

而已又章帝紀元和元年詔云支柱橋梁支與枝同仁者兼護人家者且自爲

也易曰王明並受其福

井九

是以次室倚立而嘆嘯

立當作柱列女傳云魯漆室女當穆公時君老太子幼女倚柱而嘯旁人聞之莫不爲之慘者續漢書郡

國志東海郡蘭陵有次室亭劉昭注地道記曰故魯次室邑列女傳漆室之女或作次室按論衡實知篇

亦作楚女揭幡而激王亦見列女傳揭幡作持幟按漢書鮑宣傳王威舉幡太學

下曰欲救鮑司隸者會此下後漢書虞詡傳詡子頤與門生百餘人舉幡候中常侍高梵車訴言枉狀

仁惠之恩忠愛之情固能已乎

潛夫論卷第七終

潛夫論卷第八

蕭山汪繼

交際第三十

語曰人惟舊器惟新

書盤庚云人惟求舊器非求新惟新熹平石經作人維舊

弟世疎朋友世親

新親謂襄廿六年左傳云伍舉奔鄭將遂奔晉聲子將如晉遇之於

鄭郊班荆相與食而言復故杜注布荆坐地共議歸楚事朋友世親蓋本此

此交際之理

人之情也今則不然多思遠而忘近

鬼谷子內捷篇云日進前而不

御遙聞聲

背故而向新

列女傳晉趙衰妻云好新而嫵故無思御覽四百九十五

引東觀漢記云陳忠上疏稱

或歷載而益疎或中路

語曰迎新千里送舊不出門

而相捐悟先聖之典戒

悟當作悟說負久要之誓言

論語云久要不忘平生之言書湯誓云爾不從誓言趙策云真人與子有誓言矣新捐言韻斯何

故哉退而省之論語云退而省其私亦可知也勢有常趣理有

固然富貴則人爭附之此勢之常趣也貧賤則人脫

据意林補御覽八百卅六同爭去之此理之固然也齊策譚拾子

者富貴則就之貧賤則去之風俗通窮通篇作富貴

則人爭歸之貧賤則人爭去之此物之必至而理之

固然夫與富貴交者上有稱舉之用舉舊作譽据意

也秦始皇紀趙高曰高素小賤幸稱舉令在上位漢書

朱雲傳妄相稱舉蓋寬饒傳為太中大夫使行風俗

多所稱舉貶黜蕭望之傳恭顯奏望之堪更生朋黨

相稱舉何武傳有司劾奏武公孫祿互相稱舉楚辭

九辨世雷同而炫曜兮王逸注下有貨財之益與貧

賤交者大有賑當作貨之費小有假借之損今使官

人哀三年左傳云官人肅給按官人荀子屢見疆國

論篇士大夫以為道官人以為守楊注官人羣吏也正

守職事之官也此則以為居官者之通稱矣雖兼桀

跖之惡桀跖見慎微篇注苟結駟而過士史記仲尼弟子傳

窮連騎排藜藿入士猶以為林補榮而歸焉况其實

有益者乎使處子處子即處士後漢書逸民傳序云

哲補亡詩白華篇堂堂處雖苞顏閔之賢漢書儒林

子李善注云處子處士也苞被褐而造門老子

云關內侯鄭寬中有顏子之美苟被褐而造門云聖

人被褐懷玉說人猶以為辱而掘程本恐其復來

况其實有損者乎故富貴易得宜貧賤難得適得宜

作爲客御覽客作交按宜適義同呂氏春秋適威篇

高誘注適宜也後漢書馮衍傳云富貴易爲善貧賤

難為
工 好服謂之奢僭惡衣謂之困厄論語云士志於道而恥惡衣

徐行謂之飢餒疾行謂之逃責孟子云徐行後長者謂之弟疾行先長者

謂之不弟漢書諸侯王表序云有逃責之臺不候謂之倨慢意林作敖候

董仲舒傳云主父偃候仲舒數來謂之求食孟子云其志將以求食也空造以

為無意見下貨財句注奉贄以為欲貸白虎通文質篇云私相見亦有贄何所以

和陸也恭謙以為不肯抗揚以為不德舊作得据意林改

此處子之羈薄薄讀為縛釋名釋言語云緝薄也使相薄著也貧賤之苦酷

也適厄責食也貨德酷韻夫處卑下之位懷北門之殷憂內見謫

於妻子詩北門云憂心殷殷又云室人交徧謫我謫與謫同外蒙譏於士夫謂

夫嘉會不從禮漢書賈誼傳云富人大買嘉會召客饑御不逮衆詩六

飲御諸友毛傳御進也漢書崇義傳云以明經
給事大將軍莫府家貧常步行資禮不逮衆貨財

不足以合好

自虎通文質篇云朋友之際五常之道
有通財之義振窮救急之意中心好之

欲飲食之故財幣者所以副至力勢不足以杖急

意也定十年左傳云兩君合好力勢不足以杖急

爰盜傳云一旦有緩急寧足恃乎李尋傳云歡忻久

近臣已不足杖矣顏師古注杖謂倚任也歡忻久

交漢書高后紀四年詔云驩
欣交通歡忻與驩欣同情好曠而不接則人無

故自廢疎矣漸疎則賤者逾自嫌而日引貴人逾務

黨而忘之漢書外戚傳子夫上車主拊
其背曰行矣卽貴願無相忘夫以逾疎之

賤伏於下流論語云君子惡居下流漢書楊敞傳楊
惲報孫會宗書云下流之人衆毀所歸而望日忘之貴此谷風所爲內摧傷詩小雅而介推所

以赴深山也

傳廿四年左傳

夫交利相親交害相疎是故長

誓而廢

長下舊有救字衍長誓卽詩考槃永矢鄭箋云永長矢誓

必無用者也交

漸而親必有益者也俗人之相於也

相於注見釋難篇

有利

生親積親生愛積愛生是積是生賢情苟賢之則不

自覺心之親之口之譽之也

史記袁盎傳云諸君譽之皆不容口

無利

生疎積疎生憎積憎生非積非生惡情苟惡之則不

自覺心之外之口之毀之也是故富貴雖新其勢日

親貧賤雖舊其勢日疎

舊作除據諸子品節改尹文子大道篇云處名位雖不肖

不患物不親已在貧賤不患物不疎已

此處子所以

不能與官人競也世主不察朋交

程本作友

之所生而苟

倍貴臣之言此絮士所以獨隱翳

楚語韋昭注隱翳也而姦雄

所以黨飛揚也

三畧云姦雄相稱彰蔽主明淮南子精神訓云趣舍滑心使行飛揚高誘

注飛揚不從軌度也黨當作常常飛揚與獨隱翳對文程本作黨能臣誤

昔魏其之客

據程

流於武安長平之吏移於冠軍

風俗通窮通篇用此四語事見

史記魏其武安侯傳

廉頗

史記翟公

史記汲黯鄭

載盈

及衛將軍驃騎傳

載虛

文選陸士衡齊謳行及沈休文冬節後至丞相第詩注載並作再論衡講瑞篇云少正卯在魯

與孔子並孔子之門三盈三虛惟顏淵不去

夫以四君之賢藉舊貴之風

恩客猶若此則又况乎生貧賤者哉惟有古烈之風

志義之士

漢書季布欒布田叔傳贊云雖古烈士何以加哉張湯傳湯客田甲所責湯行義有

烈士之風古烈卽謂古烈士魏志鮑勛傳爲不然爾

上文帝疏亦云陛下仁聖惻隱有同古烈爲不然爾

恩有所結

漢書丙吉傳云誠其終身無解心有於

賤而益篤詩云淑人君子其儀一兮心如結兮鳩故

歲寒然後知松柏之後彫世也舊作隘然後知其人之

篤固也論語云歲寒然後知松柏之後彫也釋文云

至霜雪既降吾是以知松柏之茂也陳蔡侯嬴信陵

之隘於吾其幸乎爾雅釋詁云篤固也侯嬴信陵

君豫讓史記刺客出身以報恩史記春申君傳應侯曰

主按出身猶吳王鮒諸荆軻並見刺奮命以效用後

書班超傳超妹昭上書云超之始出志捐軀命立

微功以自陳效張皓後綱傳云奮身出命掃國家之

難南匈奴傳云耿秉因自陳受恩分當出命效用董

卓傳云掌戎十年士卒大小相狎彌久戀臣畜養之

恩為臣奮一旦之命乞將之北故死可為也處之難

州效力邊垂皆奮命效用之意故死可為也處之難

爾史記廉頗相如傳論云知死必勇非死者難也

處死者難按後漢書朱穆傳論云至乃田賣衛霍

之游客廉頗翟公之門賓進山兢合退山哀異又專
諸荆卿之感激侯生豫子之投身情爲恩死命緣義
輕背以利害移心懷德成節非夫交龐助勃貂龐助未詳
照之本未可語失得之原也語本此龐助勃貂未詳
疑豎須之誤豎須卽豎頭須晉文公守藏者也教貂
卽寺人披史記晉世家稱爲履鞮李善注文選司馬
遷報任少卿書及范蔚宗宦者傳論引史並作履貂
後漢書宦者傳序作勃貂古書勃多作教教貂豎須
亭並見傳廿一日見收亦立爲義報况累舊乎故鄉
四年左傳

陽稱之曰桀之狗可使吠堯跖之客可使刺由史記鄉陽

傳獄中上梁孝王書語豈虛言哉俗士淺短急於目前見赴有

益則先至顧無用則後背舊作輩漢書張耳陳餘傳贊云何鄉者慕用之誠後

相背之是以欲速之徒襄廿六年左傳伊戾聘告公曰太子將爲亂既與楚客盟

矣公曰爲我子又競推上而不暇接下爭逐前而不

何求對曰欲速

遑邨後

詩谷風云遑恤我後邨與恤同

是故韓安國能遺田蚡五百

金

史記韓安國傳

而不能賑一窮

賑當作振振窮注見過利篇

翟方進稱

淳于長

漢書翟方進傳

而不能薦一士夫安國方進前世之

忠良也

忠良見實貢篇注

而猶若此則又况乎末塗之下相

哉

韓非子顯學篇云授車就駕而觀其末塗漢書鼂錯傳云及其末塗之哀也

此姦雄所

以逐黨進而處子所以愈擁蔽也

漢書元帝紀永光元年詔曰王人在

位而吉士雍蔽顏師古注雍讀曰雍擁雍古字通後漢書朱暉後穆傳崇厚論云務進者趨前而不顧後

榮貴者矜已而不待人智不接愚富不賑貧貞士孤

而不恤賢者厄而不存故田蚡以尊顯致安國之金

淳于以貴執引方進之言夫以韓翟之操爲漢之名

文本文

非明聖之君孰能照察

照察見愛

且夫怨惡之

生

王先生云怨惡當作恩怨

若二人偶焉

禮記中庸

恩者相對也怨者相背也

仁者人也

鄭注人也讀如相人偶之人以人意相存問

苟相對

之言新書匈奴篇云薄使付酒錢時人偶之

也恩情相向推極其意精誠相射貫心達髓

漢書鄒

太后厚德長

君入於骨髓

愛樂之隆

史記張丞相傳云狎通輕相

史記陳餘傳云安在其相為死荀子議兵篇

是

故侯生豫子勿頸而不恨苟相背也心情乖戾

漢書外戚傳杜欽說王鳳曰輕細微世之漸必生乖

忤之患王商傳云父子乖迕後漢書樂恢傳經曰天

地乖互忤

推極其意分背奔馳窮東極西心尚未快

舊作決易艮六

是故陳餘張耳老相全滅而無感痛

二其心不快

見史記全諸子品節作吞孫御侍云當作珍繼培按

全蓋禽字之壞史記淮陰侯傳蒯生日常山王成安

君此二人相與天下至驩也然而卒相禽者何也患生於多欲而人心難測也卒相禽漢書劇通傳作卒相滅

亡從此觀之交際之理其情大矣非獨朋友為然君臣夫婦亦猶是也當其歡也父子不能閒及其乖

也怨讎不能先是故聖人常慎微以敦其終注見慎微篇

富貴未必可重貧賤未必可輕人心不同好注見夢列篇

度量相萬億史記司馬相如傳云人許由讓其帝位

莊子讓王篇云堯以天韓非子五俗人有爭縣職篇云古之讓

下讓許由許由不受而離臣虜之勞也故傳天下

天子者是去監門之養而身死子孫累世絮駕以

而不足多也今之縣令一日孟軻二字舊

人重之是以人之於讓也輕古之天辭祿萬鍾孟小夫貪於升食億職食韻小夫即孟

子難去今之縣令者厚薄之實異也子所謂小丈夫也升

本

當作斗漢書百官公卿表百石以下有斗食佐史之

秩顏師古注漢官名秩簿云斗食月俸十一斛一說

十食者歲俸不滿百石計日而食一斗二升故云斗

食漢隸斗作升升字形相近往往致誤論衡治期

篇吏百石以上若升故曰鷓鴣羣游終日不休亂舉

食以下誤與此同

聚時不離蒿茆游休弗韻非子道遙遊篇斥鷃曰我

之問此亦飛之至也釋文鷓鴣字亦作鷓司馬云鷓鴣

雀也周禮醢人弗蒞注云鄭大夫讀非為茅此亦當

讀為鴻鵠高飛雙別乖離文選蘇武詩云黃鵠一遠

龍羽翼臨當乖藝文類聚川蘇武通于遠萬志在陂

報李陵書云乖離魏矣相見未斯通于遠萬志在陂

池飛龍池韻禮記月令云毋漉陂池鄭注畜水曰陂

汗池何則其志極遠也是陂池非鴻鵠志矣陂池當

為天池史記陳涉世家涉太息曰嗟乎燕雀安知鴻

鵠之志哉索隱引尸子云鴻鵠之鷺羽翼未合而有

四海之心漢書張良傳高祖歌曰鴻鵠高飛一舉千里

里羽翼已就橫絕四海莊子逍遙遊鷲鳳翔翔黃歷

篇云窮髮之北有冥海者天池也

之上黃歷疑萬仞之謾淮南子覽冥訓云鳳皇會遊

翔萬徘徊太清之中淮南子精神訓云遊於太清後

也隨景風而飄飄爾雅釋天疏引尸子仁義篇述太

虞秋爲方盛冬爲安靜四氣和爲通正此之爲承風

按承爾雅作景御覽八百廿引符瑞圖云祥風者瑞

風也日景風時抑揚以從容中容韻楚辭懷沙王意猶未

得喑喑然長鳴詩卷阿云蹙蹙振翼陵朱雲薄斗極

淮南子人間訓云奮翼揮群凌乎浮雲背負青天廣

摩赤霄高誘注赤霄飛雲也斗舊作升按爾雅釋地

云北戴斗呼吸陽露曠旬不食得翼食韻楚辭遠

極爲空桐呼吸陽露曠旬不食遊六餐六氣而飲沆

瀣兮漱正陽而含朝霞惜晉云吸衆氣而翔其意

王逸注衆氣謂朝霞正陽淪陰沆瀣之氣也

尚猶嗷嗷如也

續漢書五行志云言永樂雖積金錢惟慊常若不足嗷嗷與慊慊同

者殊務各安所爲是以伯夷採薇而不恨

史記巢父木

棲而自願

皇甫謐高士傳云巢父堯時隱人也年老以樹爲巢而寢其上故人號之曰巢父淮

南子秦族訓云山居木棲

由斯觀諸士之志量固難測度

禮記禮運云人

藏其心不可測度也

凡百君子

詩雨無正

未可以富貴驕貧賤謂貧

賤之必我屈也

史記魏世家云魏文侯子擊逢文侯之師田子方於朝歌引車避下謁出

子方不爲禮子擊因問曰富貴者驕人乎且貧賤者

驕人乎子方曰亦貧賤者驕人耳夫諸侯而驕人則失其國大夫而驕人則失其家貧賤者行不合詩云

言不用則去之楚越若脫躡然奈何其同之哉

詩云

德輸如毛民鮮克舉之

世有大難

舊作者四而人

莫之能行也一日恕二曰平三曰恭四曰守夫恕者

仁之本也

大戴禮衛將軍文子篇孔子曰恕則仁也家語顏回篇回曰一言而有益於仁莫如

恕孟子云強恕而行求仁莫近焉說苑貴德篇云夫仁者必恕然後行

平者義之本也

管子水地篇云至平而止義也

恭者禮之本也

易繫辭上傳云禮言恭說苑雜言篇孔子

曰不恭

守者信之本也

傳廿八年左傳晉筮史云信以守器十五年傳申叔時云信以守禮成二年傳孔子曰信

叔時云信以守物九年傳范文子曰信以守之襄十

一年傳魏絳語同昭五年六年傳叔向並云守之以信

四者並立四行乃具四

行具存是謂真賢四本不立四行不成四行無一是

謂小人所謂恕者君子之人論彼恕於我

王先生云彼下脫則

守動作消息於心

易豐象曰與時消息王先己之所生云消息疑則思之誤

無不以責下我之所有不以譏彼

淮南子主術訓云有諸己不非諸人

無諸己不求諸人感己之好敬也故接士以禮感己之好愛

也故遇人有恩孟子云仁者愛人有禮者敬人愛人者人恒愛之敬人者人恒敬之己

欲立而立人已欲達而達人論語善人之憂我也故先

勞人春秋繁露楚莊王篇云今晉不以同姓憂我而強大厭我心望焉淮南子汎論訓云以勞天下之民高誘惡人之忘我也故常念人詩晨風云忘

注勞猶憂也惡人之忘我也故常念人我實多方言

云念常凡品則不然論人不恕已漢書成帝紀建始元年詔曰凡事恕

已動作不想心書洪範五行志云思今文尚書作思心無

之已而責之人有之我而譏之彼晏子春秋問上云

人無之己不難求之人春秋繁露仁義法篇云夫我無之求諸人我有之而非諸人人之所不能受也

已無禮而責人敬已無恩而責人愛貧賤則非人初

不我憂也富貴則是我之不憂人也行已若此

論語云其

行已恭難以稱仁矣所謂平者內懷鳴鳩之恩

詩鳴鳩毛傳云

也恭鳴鳩之養其子朝從上外執砥矢之心

詩大東云周道如砥其直

如下莫從下上平均如一外執砥矢之心

詩大東云周道如砥其直

如矢程本矢作礪大戴禮五論士必定於志行

注見

帝德云日月所照莫不砥礪

論榮

籍王先生云志毀譽必參於效驗

韓非子姦劫弑臣

行疑當作堦的毀譽必參於效驗

篇云人主誠明於

聖人之術而不苟於世俗之言循名實而定是非因

參驗而審言辭魏策魏文侯曰求其好掩人之美而

揚人之醜者不隨俗而雷同不逐聲而寄論

漢書楊

而參驗之

敬傳揚

憚報孫會宗書云竊恨足下不深惟其終始而猥隨

俗之毀譽也楚辭九辨云世雷同而炫曜兮何毀譽

之味昧禮記曲禮云毋雷同漢書楚元王傳

劉歆移書太常博士云雷同相從隨聲是非苟善所

在不譏貧賤苟惡所錯

借措之

不忌富貴不詔上而慢

借措之

下不厭故而敬新凡品則不然內偏頗於妻子書洪

無偏外僭惑於知友王侍郎云惑疑試書得則譽之

哀廿四年左傳云公如越得怨則謗之平議無

說文云訂平議也後漢書樊宏後準傳云願以臣言

若準射準的也一切經音義一引譏譽無效驗荷

阿貴以比黨管子重令篇云阿貴事富禮記儒荀

剽聲以羣吠程本注見賢難篇事富貴如奴僕史記

傳云凡編戶之民富相什則與下視貧賤如傭客漢

匡衡傳云家貧庸作以供費用韓非子外儲說左

且深搆者熟耘也庸與備通百至秉權之門而不一

至無勢之家

管子明法篇云十至私人之門不一至於庭

執心若此

列女傳趙

將括母曰父子不同執心各異詩小弁云君子秉心鄭箋秉執也

難以稱義矣

舊脫依上

文例所謂恭者內不敢傲於室家外不敢慢於士大

夫大字疑衍上云外蒙譏見賤如貴視少如長其禮於士夫士夫與室家對

先入其言後出逸周書官人解云其禮先人其言後人恩意無不答禮

敬無不報禮記曲禮云太上貴德其次務施報禮尚往來往而不來非禮也來而不往亦非禮也

也觀賢不居其上晏子春秋問上云觀賢不居其上受祿不過其量與人推

讓事處其勞居從其陋舊作德位安其身養甘其薄淮南

子秦族訓云民交讓爭處卑凡品則不然內慢易於

妻委利爭受寡力事爭就勞外輕侮於知友說苑尊賢篇田忌曰申儒爲人侮賢而輕

妻子

慢易注見斷訟篇

外輕侮於知友

說苑尊賢篇田忌曰申儒爲人侮賢而輕

不肖者敬慎篤舟綽曰輕侮人者義乎聰明不別真僞心思不別善醜

愚而喜傲賢少而好陵長隱三年左傳恩意不相答

禮敬不相報覩賢不相推禮記儒行云推賢而進達之會同不能

讓管子入觀篇云時無會同喪蒸不聚則齒長輯睦毋自生矣注云鄉里每時常有會同所以結恩好也

動欲擇其佚居欲處其安養欲擅其厚位欲爭其

尊見人謙讓因而嗤之廣韻云嗤笑也按說文云嗤嗤戲笑貌嗤卽蚩字見

人恭敬因而傲之如是而自謂賢能智慧爲行如此

難以稱忠矣晉脫所謂守者心也有度之士情意精專

心思獨覩史記鄒陽傳上梁孝王書云越擊拘不驅

於險墟之俗墟當作熾楚辭九辨云何周道之平易兮然蕪

兮七諫怨世云何周道之平易兮然蕪

穢而險戲王逸注險戲猶傾危也

文選廣絕交論李善注引作險熾不惑於衆多之口

史記鄒陽傳上梁孝王書云感於心合於行親於膠漆昆弟不能離豈惑於衆口哉又云不奪於衆多之口

聰明懸絕秉心塞淵詩定之獨立不懼逐世無悶

象詞易大過心堅金石韓非子守道篇云懷金石之心後

禮察篇云志輕四海故守其心而成其信凡器則不

然器當依上內無持操淮南子人間訓云內有一持

操或外無準儀韓非子顯學篇傾側險詖荀子成相

詩繆外無準儀云行無常儀傾側險詖篇云譏人

罔極險陂傾側此之疑說文云險險詖也經典通用

險毛詩卷耳序無險詖私謂之心釋文崔云險詖不

正也漢書禮樂志貪饕險詖顏師古注言行險日詖

楚元王傳劉向封事云壞散險詖之聚師古云險言

日詖翟方進傳險詖陰賊師古云詖佞也絳傳趙敬

險詖師古云詖辯也一日佞也絳說文詖辨論也古

文以爲頗字王逸注楚辭離騷云頗傾也九歎靈懷

篇不從俗而諛行兮王注諛猶傾也險諛與傾側同

意字亦作陂漢書景十三王傳趙敬求同於世舊作

肅王彭祖險陂師古云陂謂傾側也

口無定論不恆其德易恆九三二三其行詩氓云二秉操

如此難以稱信矣舊脫夫是四行者其輕如毛其重如

山詩烝民云德輳如毛楚策云國君子以爲易小人

以爲難山難孔子曰仁遠乎哉我欲仁仁斯至矣論語

作斯仁至矣後漢書列女又稱知德者論語作鮮

傳班昭女誠引與此同又稱知德者按論語作鮮

字見廣韻二七俗之偏黨書洪範云自古而然昭卅

八編說文作非乃今也詩載芟云匪今斯今振

左傳云自非乃今也古如茲乃今見邊議篇凡百君

古以然非乃今也古如茲乃今見邊議篇凡百君

子競於驕僭貪樂慢傲如舊錯入德化篇賈一倍當

潛夫論卷八主湖海樓雕本

潛夫論卷八主湖海樓雕本

潛夫論卷八主湖海樓雕本

潛夫論卷八主湖海樓雕本

潛夫論卷八主湖海樓雕本

潛夫論卷八主湖海樓雕本

作三詩瞻印以相高脫一苟能富貴雖積狡惡爭稱

譽之史記呂不韋傳云終不見非苟處貧賤恭謹以上

文例之恭謹祇爲不肖終不見是此俗化之所以浸

敗而禮義之所以消衰也世有可患者三三者何曰

情實薄而辭稱厚念實忽而文想憂禮記表記云情

人則穿窬之盜也按懷不來而外克期後漢書獨行

想憂疑當作相愛遊太學爲諸生與汝南張劭爲友

卿山陽金鄉人並告歸鄉里式謂元伯曰後二年當

還將過拜尊親見孺子焉乃共尅期日後期方至元

伯具以白毋請設饌以候之毋曰二年之別千里結

言爾何相信之審耶對曰巨卿信士必不乖違毋日

若然當爲爾醞酒至其日巨卿果到升堂拜飲盡歡

而別尅卽克不信則懼失賢信之則註誤人漢書文

字與刻通帝紀三

年詔曰濟北王背德反上計誤吏民顏師古注註亦誤也按說文註誤也誤謬也此俗上可

厭之甚者也是故孔子疾夫言之過其行者論語云

其言而過其行皇侃義疏本而作之詩傷蛇蛇碩言出自口矣巧言如

簧顏之厚矣言巧今世俗之交也未相照察而求深固

探懷扼腕拊心祝詛燕策樊於期偏袒扼腕而進曰此臣日夜切齒拊心也苟

欲相護論議而已漢書翟方進傳云胡常與方進同經心害其能論議不右方進方進

知之候伺常大都殿時遺門下諸生至常所問大義疑難因記其說如是者久之常知方進之宗讓已內

不自得其後居士大夫之間未嘗不稱述分背之日

既得之後則相棄忘詩谷風云將安將樂女轉棄子又云忘我大德或受人

恩德先以濟度注見務不能拔舉則因毀之爲生瑕

史記李斯傳云成大功明言我不遺力趙策云秦

不遺餘力矣後漢書盧芳無奈自不可爾淮南子人

傳云不敢遺餘力負恩貸無奈自不可爾問訓云夫

物無不可奈何有人無奈何高誘注事有人材所不

及無奈何也莊子人間世篇云知其不可奈何而

安之詩云知我如此不如無生華之先合而後忤南

若人命詩云知我如此不如無生詩蕩云靡不有初鮮克

有始而無終不若木無生意彊自誓也君子屢盟亂是用

長詩巧大人之道周而不比論語微言相感漢書藝文

云古者諸侯卿大夫交掩若同符漢書王莽傳云與

接隣國以微言相感掩若同符周公異世同符方

言云掩又焉用盟孔子恂恂似不能言者又稱閭閻

言惟謹也論語作便便言惟謹爾按漢書萬石君石

奮傳云僮僕訢訢如也唯謹顏師古注訢

讀與問問同奮傳文木論語論語古本蓋有作問問者史記孔子世家作辯辯問辯或字形相近而誤

士貴有辭

襄卅一年左傳云子產有辭諸侯賴之

亦憎多口

孟子云士憎茲多口

趙注離於凡人而爲士者益多口破憎爲增此則從本訓

故曰文質彬彬然後君

子論

與其不忠剛毅木納尚近於仁

論語納今作訥

嗚呼哀

哉凡今之人

詩召旻云於乎哀哉維今之人不尚有舊嗚呼與於乎同

言方行圓

韓非子解老篇云所謂方也內外相應也言行相稱也

口正心邪行與言謬心

與口違

淮南子齊俗訓云言與行相悖情與貌相反遙周書官人解云言行不類終始相悖外內

不合雖有假節見行日非成質者也論古則知稱夷齊原顏言今則必

官爵職位虛談則知以德義爲賢貢薦則必問闕爲

前

史記高祖功臣侯年表序云明其等曰伐積功曰闕伐闕古今字後漢書韋彪傳云士宜以才行爲

先不可純處子雖躬顏閔之行漢書律歷志云陛下躬聖顏師古注躬聖
以闕闕者言身有性勞謙之質易謙九三勞謙君子有終吉秉伊呂之才
聖德也懷救民之道孟子云故就湯而說之以伐夏救民其不見資於斯世也
亦已明矣

明忠第三十一

人君之稱莫大於明人臣之譽莫美於忠

襄九年左傳云君明

臣忠新書大政下篇云臣之忠者君之明也臣忠君明此之謂政之綱也

此二德者古來

君臣所共願也然明不繼踵

晏子春秋雜下云比肩繼踵而在

忠不

萬一者

一舊作全据治要改

非必愚闇不逮而惡名揚也

孝經云揚

名於後世

所以求之非其道爾

以舊作道其道下有之字据治要改刪毛詩甫田序

云所以求者
非其道也
夫明據下起忠依上成二人同心則利

斷金
易繫辭上傳按以二人同心為君臣蓋漢時易

嘉與君同心合意翟方進傳冊云朕嘉與君同心一

意王莽傳詔云誠嘉與君同心後漢書和帝紀永元十

云殆謬於二人同心之利焉或有瘳桓帝紀和平元年

二年詔曰若上下同心庶或有瘳桓帝紀和平元年

詔曰羣公卿士虔恭爾位戮力一意勉勵斷金王常

傳云幸賴靈武輒成斷金馮異傳云干載一會思成

斷金郎顛傳云臣願陛下發揚乾剛授引賢能勤求

機衡之寄以獲斷金之利張融傳敕云陰陽不和為

人失所朝廷望公思惟得失與國同心而託病自絮

求去重任誰當與吾同憂責者非有望於斷金也楊

震傳云親近倖臣未崇斷金崔駰傳崔篆慰志賦云
協準獲之貞度兮同斷金之玄策何天衢於盛世兮
超千載而垂績續漢書百官志劉昭注引蔡質漢儀
載高賜奏光祿勳劉嘉廷尉趙世云既無忠信斷金
之用而有敢禮傷化之尤御覽二百七引應劭漢官
儀冲帝冊書曰三公國之楨幹朝廷取正以成斷金

治要載崔實政論云今朝廷以聖哲之姿龍飛天衢

大臣輔政將成斷金並用此義越絕書德序外傳記

引易云君臣同心其利斷矣能知治要改此者兩譽

金則直以訓詁易經辭矣能知治要改此者兩譽

俱具說苑雜言篇云賢人閉其智塞其能待得其人

無患與乃譽之誤韓非子難一云要在於明操法術

堯舜之不可兩譽子楨之說也

自握權乘而已矣韓非說疑篇云凡術也者主之所

道篇云謹執其柄而固握之淮南子要略云主術者

明攝權操柄以制羣下乘與柄同哀十七年左傳國

子實執齊柄史記蔡澤傳索隱引作乘所謂術者使

服虔曰乘權柄也說文云柄或从乘

下不得欺也韓非子入說篇云明君之道賤德義貴

不得所謂權者使勢不得亂也術誠明則雖萬里之

欺所謂權者使勢不得亂也術誠明則雖萬里之

外幽冥之內注見德化篇不得不求效權誠用則遠近親

外幽冥之內注見德化篇不得不求效權誠用則遠近親

外幽冥之內注見德化篇不得不求效權誠用則遠近親

外幽冥之內注見德化篇不得不求效權誠用則遠近親

外幽冥之內注見德化篇不得不求效權誠用則遠近親

外幽冥之內注見德化篇不得不求效權誠用則遠近親

外幽冥之內注見德化篇不得不求效權誠用則遠近親

外幽冥之內注見德化篇不得不求效權誠用則遠近親

疎貴賤賢愚無不歸心矣

論語云天下之民歸心焉

周室之末則

不然離其術而舍其權怠於已而恃於人是以公卿

不思忠百僚不盡力

漢時詔令多言公卿百寮漢書成帝紀河平元年詔曰公卿大

夫其勉悉心以輔不逮百寮各修其職永始二年詔曰公卿申教百寮深思天誠哀帝紀元壽元年詔曰

公卿大夫其各悉心勉帥百寮後漢書明君王孤蔽帝紀詔曰公卿百寮將何以輔朕不逮

於上兆黎冤亂於下

韓非子定法篇云君無術則弊於上臣無法則亂於下弊即蔽

之誤漢書公孫弘傳對策云不故遂衰微侵奪而不得其術則主蔽於上官亂於下

振也

韓非子五蠹篇云智困於內而政亂於外則亡不可振也

夫帝王者其利重

矣其威大矣徒懸重利足以勸善徒設嚴威可以懲

姦

魯語云夫君人者其威大矣韓非子說使篇云夫利者所以得民也威者所以行令也內儲說上云

有威足以服人而利足以勸人故能治之呂氏春秋
查行篇云王者之所藉以成也何藉其威與其利非
強大則其威不威其利不利其威不威則不足以禁
也其利不利則不足以勸也故賢主必使其威利無
敵故以禁則必為乃張重利以誘民操大威以驅之
止以勸則必為乃張重利以誘民操大威以驅之
作則舉世之人可令冒白刃而不恨鹽鐵錄役篇子
民則舉世之人可令冒白刃而不恨日白刃可冒禮
記中庸目作蹈漢書李廣後陵傳赴湯火而不難漢
司馬遷云冒白刃北首爭死敵赴湯火而不難書
鼂錯傳云能使其眾蒙矢石赴湯火尹文子大道篇
云越王勾踐謀報吳欲人之勇路逢怒蛙而獻之比
及數年民無長幼豈云但率之以共治而不宜哉若
臨敵雖湯火不避野鳥舊脫然獵夫御之猶使終日奮擊而
鷹野鳥也野鳥舊脫然獵夫御之猶使終日奮擊而
不敢息豈有人臣而不可使盡力者乎治要作哉淮
云人主處權勢之要而持爵祿之柄審緩急南子主術訓
之度而適取予之節是以天下盡力而不倦詩云伐

柯伐柯其則不遠

伐柯

夫神明之術具在君身而君

舊脫

依下文例補

忽之故令臣鉗口結舌而不敢言

注見賢難篇

此

耳目所以蔽塞聰明所以不得也制下之權曰陳君

前而君釋之故令羣

舊作君

臣懈弛而背朝

懈弛注見考績篇朝

彙函作亂按淮南子要略云百官背亂不知所用

此威德所以不照

獨斷云皇者煌

也盛德煌煌無所不照

而功名所以不建也

漢書屈錯傳云人主所以尊顯功名

揚於萬世之後者以知術數也故人主知所以臨制臣下而治其衆則羣臣畏服矣知所以聽言受事則

不欺

詩云我雖異事及爾同僚我即爾謀聽我敖敖

蘇矣板敖裁今作翬

夫州隱人皆有之

孟子

是故耳聞啼號

之音無不爲之慘悽悲懷而傷心者

史記張釋之傳云上自倚瑟而

歌意慘
悽悲懷

目見危殆之事無不爲之灼怛驚

脫

一而赴

救之者君臣義重

後漢書何敞傳敞上封事云君臣義重有不得已也

行路禮

輕文選蘇子卿詩云誰爲行路人

過耳悟目之交

詩東門之池毛傳晤遇也悟與晤通

未恩未德非賢

舊作貧

非貴而猶若此則又况於北面

稱臣被寵者乎

史記陸賈傳說尉佗曰宜郊迎北面稱臣

是故進忠扶危

者賢不肖之所共願也誠皆願之而行違者常苦其

道不利而有害言未得信而身敗爾

信舊作言據治要改莊子外物

篇云人主莫不欲其臣之忠而忠未必信新書過秦下篇云忠言未卒於口而身糜沒矣淮南子主術訓

云效忠者希不困其身

歷觀古來愛君憂主敢言之臣忠信未

達而爲左右所鞠按

鞠舊作掬據治要改說文云鞠躬治罪人也鞠與鞠通亦作鞠

詳述救篇鞠按猶漢書王商傳云窮竟考問也當世而覆被按覆被猶言覆

更爲否愚惡狀

治要作愚惡無狀

之臣者

大戴禮曾子制言中篇云畏之見逐

智之見殺固不難誦身而爲不仁宛言而爲不智

豈可勝數

摭治要補

哉孝成終

沒之日不知王章之直孝哀終沒之日不知王嘉之

忠也

並見漢書按嘉傳云嘉死後上覽其對而思嘉言復以孔光代嘉爲丞相徵用何武爲御史大

夫是孝哀未嘗不知嘉也梅福傳云王章資質忠直此言忠直本之

此後賢雖有憂君

哀主之情忠誠正直之節

漢書傳喜傳云忠誠憂國

然猶且沈吟

觀聽行已者也

後漢書賈復傳云帝召諸將議兵事未有言沈吟久之文選古詩云沈吟

聊躑 鳴鶴在陰其子和之

易中孚九二

相彼鳥矣猶求友

聲

詩伐本忠信未達至此舊錯入德化篇

故人君不開精誠以示賢忠

賢忠亦無以得達易曰王明並受其福

井九

是以忠

臣必待明君乃能顯其節良吏必得察主乃能成其

功

漢書王褒傳聖主得賢臣頌云及其遇明君遭聖

職主也運籌合上意諫諍即見聽進退得闡其忠任

又云聖主必待賢臣而弘功業俊士沐俟明主以顯

德君不明則大臣隱下而不

舊作

過忠又

衍字

羣司舍法

而阿貴

商子修權篇云秩官之吏隱下而漁民韓非子姦劫弑臣篇云國有擅主之臣則羣下不得盡智力以陳其忠百官之吏不得奉法以致其功矣阿貴見上篇

夫忠言所以爲安

也不貢法禁所以爲治也不奉必亂忠之貢與

與柄

皆在於君非臣下之

所能爲也是故聖人求之於己不以責下凡爲人上

法術明而賞罰必者雖無言語而勢自治

故人君不此舊錯入

交際

治勢一成君自不能亂也况臣下乎法術不明

而賞罰不必者雖日號令然勢自亂亂勢一成君自

不能治也况臣下乎是故勢治者雖委之不亂勢亂

者雖勸之不治也

商子定分篇云聖人必爲法令置官也置吏也爲天下師所以定名

分也各分定則大詐真信民皆愿懋而名自治也故夫名分定勢治之道也名分不定勢亂之道也故勢治者不可亂勢亂者不可治堯舜恭己無爲而有餘勢治也胡亥

王莽馳騫而不足

舊脫三字據治要補

勢亂也

韓非子難勢篇云堯舜生而在

在上位雖有十策紂不能亂者則勢治也桀紂亦生而在在上位雖有十堯舜而亦不能治者則勢亂也故曰勢治者則不可亂而勢亂者則不可治也漢書揚雄傳云世亂則聖哲馳騫而不足世治則庸夫高枕而

有餘恭治要作拱按恭己無為本論語胡亥當作秦
政史記秦始皇紀云天下之事無大小皆決於上上
至以衡石量書日夜有呈不中坐不得休息漢書王
莽傳云莽自見前顛權以得漢政故務自權衆事又
好變改制度政令煩多當奉行者輒質問乃以從事
前後相乘憤眠不潔莽常御燈火至明猶不能勝所
謂馳驚而故曰善者常云善求之於勢弗責於人管子
不足者也管子故曰善者管子求之於勢弗責於人管子
法法篇云凡人君之所以為君者勢也故人君失勢
則臣制之矣勢在下則君制於臣矣勢在上則臣制
於君矣是以明王審法度而有教令不行私以欺法不
黷教以辱命管子任法篇云愛人不私賞也惡人不
商子修權篇云立法明管子故臣下敬其言而奉其禁竭
分而不以私害法則治管子故臣下敬其言而奉其禁竭
其心而稱其職管子行故羣臣奉法守職此由法術明
而威權任也夫術之為道也精微而神言之不足而

行有餘有餘故能兼四海而照幽其權之爲勢也健

悍以大不待貴賤操之者重重故能奪主威而順當

世舊作也是以明君未嘗示人術而借下權也韓非子

術者藏之於胸中以偶衆端而潛御羣臣者也心度

篇云主之所以尊者權也外儲說右下方吾子曰吾

聞之古禮行不與同服者同車不與同族者共家而

况君人者乃借其權而外其勢乎商子修權篇云權

制獨斷於君則威六節守上篇云孔子曰可與權論

無借人國柄借人國柄則失其權是故聖人顯諸仁藏諸用易繫辭神

孫侍御据論語可上補未字是故聖人顯諸仁藏諸用上傳而化之使民宜之繫辭然後致其治而成其功功業

効於民美譽傳於世然後君乃得稱明臣乃得稱忠此所謂明據下作忠依上成二人同心其利斷金也

治要金下
有者字

本訓第三十二

上古之世太素之時元氣窈冥未有形兆萬精合并
混而爲一莫制莫御若斯久之翻然自化清濁分別

變成陰陽陰陽有體實生兩儀天地壹鬱萬物化淳

易繫辭下傳王弼本壹鬱作細繼按說文作壹
壹王本淳作醇白虎通嫁娶篇引易與此同和氣

生人以統理之是故天本諸陽地本諸陰人本中和

己上本易乾鑿度
列子天瑞篇同三才異務相待而成各循其道和

氣乃臻機衡乃平機舊从玉据
班祿篇改天道曰施地道曰化

人道曰爲日舊並作日大戴禮曾子天員篇云天道
日員地道日方方日幽員日明明者吐氣

者也幽者含氣者也吐氣者施而含氣者化是以陽施而陰化也春秋繁露云天道施地道化人道義

爲者蓋所謂感通陰陽而致珍異也白虎通封禪篇云王者承天統

理調和陰陽陰陽和萬物序休氣充塞故符瑞並人臻皆應德而至漢書董仲舒公孫弘傳皆言其事

行之動天地譬猶車上御馳馬蓬中擢舟船矣舟船舊作

自照按敍錄云聖人運之若御舟車御覽七百六十九引此文作蓬中擢舟舟字據改照船字形相近以

意訂正廣韻云蓬織竹夾箬覆舟也說文無蓬字古蓋借蓬爲蓬擢擢亦古今字詩竹竿毛傳擢所以擢

也舟雖爲所覆載禮記中庸云天之然亦在我何所之

可疑孔子曰時乘六龍以御天易乾文言行君子所以

動天地也可不慎乎繫辭上傳從此觀之天程本作呈其兆

人序其勳書故曰天功人其代之皇陶謨功程木作工與今書同忠貴

篇亦如疑衍或下蓋理其政以和天氣以臻其功漢書

李尋傳云古之王者尊天地重陰陽敬四時嚴川是令順之以善政則和氣可立致猶袍鼓之相應也

故道德之用莫大於氣道者氣舊之根也氣者道之

使也必有其根其氣乃生必有其使變化乃成易繫辭下

傳云變化云為禮記中庸云動則變變則化是故道之為物也至神以妙

其為功也至彊以大天之以動地之以靜日之以光

月之以明四時五行鬼神人民億兆醜類定四年左傳云將其

類醜杜注醜衆也變異吉凶何非氣然及其乖戾天之尊也

氣裂之舊脫之字地之大也氣動之虛山之重也氣

徙之虛水之流也氣絕之史記天官書所云天開縣物地動坼絕山崩及徙川

塞谿坎 日月神也氣蝕之天官書云日月薄蝕集星

辰虛也氣隕之春秋繁露玉英篇曰有晝晦元王傳

劉向封事云晝冥晦顏師古注傳十五年九月

先云按宵有下有脫文以晝晦例之疑是夜明二字

莊六年左傳恒星不見夜明也續培按淮南子秦族

訓云晝冥宵光此亦當言宵光事宵光即左傳所云

夜明史記天官書云天雷電蝦虹辟歷夜明者陽氣

之動也大風飛車注既盟而遇大風傳記異也疏云車

者也入濟是風拔樹斯拔漢書谷禾傳云暴雨冰也或

吹之墜濟水拔樹斯拔漢書谷禾傳云暴雨冰也或

折木債電為冰債電當為積白虎通災變篇云陰氣專

精積合溫泉成湯西京雜記董仲舒云寒水極陰而

為電麟龍鸞鳳螭蟻蝗 蝨爾雅釋蟲云食苗心

根莖發繁即蠃賊漢書五行志云宣公十五年冬蠃生董仲舒割而以爲蠃螟始生也說文云蠃董仲舒說蠃子也莫不氣之所爲也以此觀之氣運感動亦

誠大矣變化之爲何物不能入者道之使也至此舊錯

脫所變也神氣之所動也當此之時正氣所加非唯

於人百穀草木禽獸魚鼈皆口養其氣先生云此文

有脫誤以下句例之宜云聲入於耳以感於心尚書

借味食於口以養其氣云五載一巡守羣后德讓貢正聲而九族具成雖禽

獸之聲猶悉闢於律昭廿一年左傳冷州鳩曰夫音

樂之與也而鐘音之器也天子省風以作樂器以鐘

之與以行之小者不窅大者不攙則和於物物和則

嘉成故和聲入於耳男女聽脫一以施精神資和以

而藏於心心億則樂兆軀民之胎含嘉以成體云民之胎也資和以兆軀

含嘉以成體說文云胚婦孕一月也胎婦孕三月也胚與胚同及其生也和以養性

美在其中而暢於四腴易坤文言腴王躬本作支實於血脈是舊

以心性志意耳意耳舊例目精疑欲無不貞疑廉絜懷履

行者逸周書官人解云其壯者觀其廉潔務行而勝私鹽鐵論散不足篇云履德行仁詩大東云君子所履鄭箋君子此五帝三王所以能畫法像而民

皆法效而履行之

不違正己德而世自化也畫法像注見衰制篇漢書公孫弘傳武帝策賢良制

云蓋聞上古至治畫衣冠異章服而民不犯今何道而臻乎此對曰上古堯舜之時不貴爵賞而民勸善

不重刑罰而民不犯躬是故法令刑賞者乃所以治

民事而致整理爾未足以興大化而升太平也史記酷吏

傳序云法令者治之具而非制治清濁之源也漢書禮樂志劉向云教化所恃以爲治也刑法所以助治

也今廢所恃而獨立其夫欲歷三王之絕迹史記司馬相如

所助非所以致太平也

傳云殊臻帝皇之極功者必先原元而本本西都賦

尤絕迹及漢書敘傳敘律歷興道而致和以淳粹之氣易乾

志並云元元本本純粹精也醇與純通楚辭生敦龐之民成十六年左

遠遊云精醇粹而始壯明德義之表禮記表記云仁作信厚之心詩麟之

振振信厚也然後比可美而功可成也

德化第三十三

人君之治莫大於道莫盛於德莫美於教莫神於化

道者所以持之也德者所以苞之也韓詩外傳五云

之美淮南子說山訓云仁義在道德之苞苞與包同教者所以知之也化者所

義在道德之苞苞與包同

以致之也民有性有情有化有俗情性者心也本也

化俗者行也末也末生於本行起於心是以上君撫

世先其本而後其末漢書董仲舒傳云天命之謂命非聖人不行質樸之謂性性

非教化不成人欲之謂情情非制度不節是故王者

上謹於承天意以順命也下務明教化民以成性也

正法度之宜別上下之序以防順舊作慎據其心而

欲也修此三者而大本舉矣治要改則意無所載矣夫

無所生舊脫無字生作姦惡不生邪意無所載矣夫

化變民心也猶政變民體也德政加於民則多滌暢

姣好堅彊考壽滌當作條考當作老禮記樂記云感

靡不條豎該成顏師古注豎與暢同論衡齊世篇云

語稱上世之人侗長佼好堅強老壽百歲左右姣與

替夫論卷八

看湖海樓本

俊迥考詩猶言老壽詩雖鄭箋云又能
昌大其子孫安助之以考壽多與福祿
惡政加於民

則多能癘疴病天昏札瘥呂氏春秋明理篇子華子曰夫亂世之民長短頓許

百疾民多疾癘道多裸躄自禿偃疴萬怪皆生高誘注疴短仰者也史記平原君傳云有能癘之病說文

云允疴出脛也古文从王作疴周語云無天昏札瘥

之憂漢書董仲舒傳云或天或壽或仁或鄙陶治而

成之不能粹美有治亂之所生故不齊也故堯舜行德則民仁壽桀紂行暴則民鄙天故尚書

美考終命而惡凶短折洪範國有傷明之政則民多病

目善作因漢書五行志云傳曰視之不明是謂不有

傷聰之政則民多病耳舊作身五行志云傳曰聽之

及人則多病耳有傷賢之政則賢多橫天王先生云

多夫形體骨幹為堅彊也史記蔡澤傳云人生百體

堅彊白虎通嫁娶篇云男

三十筋骨堅強昭廿五年左傳杜注幹骸骨也然猶隨政變易又况乎心氣

精微不可養哉詩云敦彼行葦羊牛勿踐履方苞方

體惟葉柅柅行葦柅柅舊作握握盧學士改繼培按文選獨都賦總葦柅柅李善注引毛詩

云雜葉柅柅今詩作泥泥又曰鸞飛厲天魚躍于淵愷悌君子胡

不作人悌作豈弟胡作遐公劉厚德恩及草木羊牛

六畜且猶感德傷聽之政至此舊錯在教化之所致下此下又錯入交際篇消息於心以

下三十三行明忠篇仁不忍踐履生草列女傳晉弓上妻曰君聞

忠信未達以下五行肯者公劉之行乎羊牛踐葦葦惻然為民病之思及

也則又况於民萌而有不化者乎萌與眠同注君子

修其樂易之德早麓毛傳訓豈弟為樂易上及飛鳥

鄭箋云君子謂太王王季

下及淵魚無

舊脫

不歡忻悅豫則又况於士庶而有不

仁者乎

舊脫於字有字
依上文例補

聖深知之

聖下脫人字或明
主二字誤合爲聖

湯將篇云明
主深知之

皆務正己以爲表

禮記緇衣云上之所
好惡不可不慎也是

民之表也

明禮義以爲教和德氣於未生之前正表儀於

咳笑之後

文六年左傳云引之表
儀說文云咳小兒笑也

民之胎也合中和

以成其生也立方正以長是以爲仁義之心廉恥之

志

漢書賈誼傳云廉
愧之節仁義之厚

骨著脈通著讀根
著之著與體俱生而

無麤穢之氣

周語云麤穢暴虐楚辭遠
遊云精氣入而麤穢除

無邪淫之欲

雖放之大荒之外

大荒見
山海經

措之幽冥之內終無違禮

之行

列女傳衛靈夫人口忠臣與孝子不爲昭昭變
節不爲冥冥惰行論衛書虛篇云世稱柳下惠

之行言其能以幽冥自修潔也後漢書馮衍傳云修道德於幽冥之路投之危亡之地

納之鋒鏑之間終無苟全之心舉世之人行皆若此

則又烏所得亡疑衍卽夫夫姦亂之民而加辟哉上

天之載無聲無臭儀彤文王萬邦作孚詩文王形今

聲措程此姬氏所以崇美於前而致刑措於後也舊

本改史記周本紀云成康之際天下安寧刑措四十餘年不用錯是措之借是故上聖理下

故字不務治民事而務治民心故曰聽訟吾猶人也

必也使無訟乎導之以德齊之以禮並論務厚其情

而明則務義則務二字民親愛則無相害傷之意動

思義則無姦邪之心夫若此者非法据治要補律之所使

也非威刑之所彊也此乃教化之所致也

是故上聖至此舊錯

在有傷聽之政上今移正也字据治要補漢書董仲舒傳云夫萬民之從利也如水之走下不以教化隄防之不能止也是故教化立而姦邪皆止者其隄防完也教化廢而姦邪並出刑罰不能勝者其隄防壞也古之王者明於此是故南而治天下莫不以教化爲大務立太學以教於國設庠序以化於邑漸民以仁序民以誼節民以禮故其刑罰甚
聖人甚
其舊作輕而禁不犯者教化行而習俗美也
漢書禮樂志董仲舒對策云治要尊德禮而卑刑罰
王者承天意以從事故務德教而省
刑罰
故舜先勅契以敬敷五教而後命皋陶以五刑三居
書堯
是故凡立法者非以司民短而誅過誤

王先
生云
乃以防姦惡而救禍敗檢淫邪而內正道
司讀爲伺
爾禮記樂記云刑以防其姦新語道基篇云檢姦邪
消佚亂大戴禮勸學篇云所以防僻邪而道中正

也內讀 詩云民之秉夷好是懿德 崧高夷今詩作彝 孟子引詩作夷

故民有心也猶爲種之有闕也遭和氣則秀茂而成

實遇水旱則枯槁而生孽 說文云禽獸患蝗之 怪謂之蝻孽與蝻通 民蒙

善化則人 捃治 要補 有士君子之心 春秋繁露命序篇云 教化流行德澤大洽

天下之人人有士君 子之行而少過矣 被惡政則人有懷姦亂之慮故

善者之養天民也猶良工之 捃治 要補 爲斲鼓也 孟子云 天下之

良工也說文云籥酒母也 或作斲斲與籥斲同 說 文正作技云配籥幽未也 史記貨殖傳云斲斲斲

起居以其時 漢書卜式傳云以時起居禮記 答 儒行鄭注起居猶舉事動作 寒溫

得其適 呂氏春秋侈樂篇云寒溫勞逸飢飽此六者 非適也凡養也者靡非適而以之適者也

則一蔭之斲鼓 說文云斲地室也徐鉉云今謂地室 藏酒爲窖蔭與窖通齊民要術云作

鼓法先作爰蔭屋坎地深三二尺密泥塞屋牖勿令

風及蟲泉入也又云作麥鞠法其房欲得板戶密泥

塗之說文鼓配鹽幽未徐錯云幽盡美而多量史記

謂造之幽暗也暗與密義亦同舊作愚据抽工孟

傳中行說曰漢所輸匈奴絳其遇治要改抽工子

絮米藥令其量中必善美其遇治要改抽工子

云大匠不爲拙則一蔭之麴鼓皆臭敗而棄捐舊作

工改廢繩墨則一蔭之麴鼓皆臭敗而棄捐舊作

治要今六合亦出一蔭也新書過秦上篇云履至尊

改高誘注四方黔首之屬禮記祭義云以爲黔首猶豆

上下爲六合黔首之屬則鄭注黔首謂民也猶豆

麥也變化云爲易繫辭在將者爾遭良吏則皆懷忠

信而履仁厚遇惡吏則皆懷姦邪而行淺薄漢書刑

帝詔云牧民而道之以善者吏也公孫弘傳云先世

之吏正故其民篤今世之吏邪故其民薄禮樂志云

世衰民散小人乘君子忠厚積則致太平姦薄積則

心耳淺薄則邪勝正

致危亡是以聖帝明王皆敦德化而薄威刑德者所

以修己也威者所以治人也上智與舊作剛下愚之民

少而中庸之民多論語云唯上知與下愚不移後漢書揚終傳云上智下愚謂之不移

中庸之流要在教化荀子王制篇云中庸民不待政

而化楊倞注中庸民易與爲善故教則化之不待政

成之中民之生世也猶鑠金之在鑪也從篤變化疑

後也範之誤王先生惟治所爲方圓薄厚隨鎔制爾春秋

云疑是從革實性篇云中民之性待漸於教訓而後能爲善漢書

董仲舒傳云夫上之化下下之從上猶泥之在鈞惟

甄者之所爲猶金之所鑄是故世之善否治要俗之薄厚

皆在於君上聖和德舊脫据上文補氣以化民心正表儀以

率羣下故能使民比屋可封堯舜是也新語無爲篇云堯舜之民

可比屋而封桀紂之民可比屋而誅者教化使然也
漢書王莽傳云明聖之世國多賢人故唐虞之時可
比屋而封論衡藝增篇云儒書又言堯舜之民
可比屋而封言其家有君子之行可皆官也 其次

躬道德而敦慈愛美教訓而崇禮讓故能使民無爭

心昭六年左傳云民知有辟則不忌於上而致刑錯

上作文武是也其次明好惡而顯法禁乎賞罰而無

阿私孝經云示之以好惡而民知禁韓非子五蠹篇云明其法禁必其賞罰漢書金日磾傳云亡所

阿私呂氏春秋貴公故能使民辟姦邪而趨公正理

弱亂以致治彊中興是也毛詩序云烝民尹吉甫美宣王也任賢使能周室中

典焉史記周本紀云宣王即位二相輔之治天下有

修政法文武成康之遺風諸侯復宗周

脫身處汗而放情文選古詩云蕩滌放情忘治要載桓範政要論節欲篇云儉者節欲

奢者放情放情者危節欲者安

息民事而急酒樂

大戴禮少閒篇云荒耽於酒淫泆於

樂

近頑童而遠賢才

鄭語史伯曰侏儒戚施實御在側近頑童也

親諂諛

而疎正直重賦稅以賞無功妄加喜怒以傷無辜

治要

載六節文韜篇太公曰賢君之治國其政平吏不苛

其賦歛節其自奉薄不以私善害公法賞賜不加於

無功刑罰不施於無罪不

因喜以賞不因怒以誅故能亂其政以敗其民弊

其身以喪其國者

詩抑云天方艱難曰喪厥國毛詩序云衛武公刺厲王

幽厲

是也孔子曰三人行必有我師焉擇其善者而從之

其不善者我則改之

論語我則二字作而

詩美宜鑒於殷自求

多福

文

是故世主誠能使六合之內舉世之人咸懷

方厚之情而無淺薄之惡各奉公正

舊作政据治要改

之心

而無姦險

舊作厥据治要改

之慮則義農之俗復見於茲麟

龍鸞鳳復畜於郊矣

白虎通封禪篇云德至鳥獸則鳳凰翔鸞鳥舞麒麟臻禮記禮

運云鳳凰麒麟皆在郊棟

五德志第三十四

自古在昔

詩那

天地開闢

御覽一引尚書中候云天地開闢

三皇迭制

各樹號諡以紀其世天命五代正朔三復

白虎通三正篇云禮

三正記曰正朔三而改文質再而復

神明感生

禮記大傳鄭注云王者之先祖皆感太微五帝

卜列篇注

爰舊作

興有國亡於婦

以當作易易以聲近之誤

說文云媿侮易也經典

滅於積惡神微精以或當在

通作慢易注見斷訟篇精字上明忠篤精微而神是其例論衡奇怪篇云

說聖者以爲稟天精微之氣此文意蓋與彼同天

命罔極

詩維天之命毛傳孟仲子曰大哉天命或皇

馮依

詩闕宮云上帝是依鄭箋天用是馮依或繼體

育

史記外戚世家序云自古受太皞與皞同隸書从

以前尚矣

大戴禮五帝德篇云孔子曰黃帝尚矣史

猶劉氏云尚

迪斯用來猶云由斯頗可紀錄雖一精

思

史記鄒陽傳云雖竭議而復誤故撰古訓詩烝民

是式說文云僕具

著五德志

大戴禮有五帝德篇三

也撰即僕之借

著五德志

代世表序云終始五德

三皇五帝多以為伏羲神農為二皇

淮南子原道訓

誘注二皇伏羲神農也獨斷云

其一者或曰燧人

上古天子庖犧氏神農氏稱皇

書尚

大傳及禮緯舍文嘉說見風俗通皇霸篇禮記曲禮

疏云宋均注援神契引張耀度數燧人伏羲神農爲

三或曰祝融禮號諡記說見風俗或曰女媧春秋運

見風俗通其是與非未可知也我聞古有天皇地皇人皇

史記秦始皇紀博士議曰古有天皇有地皇有秦皇

索隱云秦皇當人皇也初學記九引春秋緯云天皇

地皇人皇兄弟九人分九州長天下御覽七十

八引徐整三五滄紀云天皇地皇人皇爲太古以爲

或及此謂亦不敢明凡斯數下其於五經皆無正

文故略依易繫記伏羲以來以遺後賢雖多未必獲

正然罕可以浮游博觀其求厥真大人迹出雷澤華

胥履之生伏羲御覽七十八引詩台神霧云大迹出

命決云華胥履跡怪生皇其相日角御覽引孝經授

儀注云跡靈威仰之跡也神契云伏羲氏

日角衡連珠五行大義五引孝經世號太皞漢書古

鈞命決云伏羲張晏曰太昊有天下號也按律歷志

太昊帝必義氏張晏曰太昊有天下號也按律歷志

云易曰炮犧氏之王天下也言炮犧繼天而王為百

皇先首德始於木故為帝太昊作罔罟以佃漁取犧

牲故天下號曰炮犧氏是班氏以太昊為身號炮犧

為世號矣先儒言身號世號往都於陳昭十七年左

往岐異今就與本書合者錄之於陳傳云陳太皞

之墟也杜注其德木御覽引春秋內事云以龍紀故

太皞居陳其德木御覽引春秋內事云以龍紀故

為龍師而龍名昭十七年左傳作八卦結繩為網以漁

傳後嗣帝嚳舜禹契皆出黃帝稷契與堯同父堯

不能用至舜始舉之舜娶堯二女乃是曾祖姑此皆

昔人所疑惟潛夫論五德篇謂帝嚳為伏羲之後其

契為顓頊後少昊顓頊不於黃帝後禹為少昊後

舜無娶同姓之嫌而稷契之不出於黃帝堯不出於

於情事似近之義考春秋命歷序稱黃帝傳十世二

千五百二十歲少昊傳八世五百歲然則顓頊傳二十世

三百五十歲帝嚳傳十世四百歲然則顓頊非黃帝

孫堯亦非帝嚳子可以正史代顓頊氏漢書律歷志

記之謬與潛夫論亦相合

曰顓頊之所建帝嚳受其相戴干御覽八十引春秋

之水生木故為木德其相戴干元命苞云帝嚳戴

干是謂清明發節移度蓋像招搖王先生命苞云帝嚳戴

苞言厥象招搖則干常作斗字形相涉而誤戴斗者

頂方如其號高辛漢書律歷志云天下號曰高辛氏

斗也為厥質神靈大戴禮五帝德篇云高德行祇肅迎逆

號厥質神靈大戴禮五帝德篇云高德行祇肅迎逆

日月大戴禮云歷日順天之則順天之義能絃三辰

以周民禮記祭法以帝嚳作樂六英周禮大司樂疏

之樂曰五莖帝嚳之樂曰六英注云能為五行之道

立根莖六英者六合之英高誘注淮南子齊俗訓以

六英為顓頊樂御覽七十九八引帝王世紀又云

顓頊作樂五英帝嚳作樂六莖白虎通禮樂篇則以

六莖屬顛項五英屬帝啓漢書禮樂志同然此自本
樂緯下云顛項作樂五英英當爲莖蓋傳寫之誤

世有才子八人伯喬仲堪叔獻季仲伯虎仲雄叔豹

季狸忠肅恭懿宣慈惠和天下之人謂之八元文十

左傳雄今作熊後嗣姜嫄履大人迹生姬棄御覽一

引春秋元命苞云周本姜嫄遊闕宮其地扶桑履大

迹生后稷史記周本紀云帝舜封棄於郃號曰后稷

別姓厥相披頤宋書符瑞志作枝頤按披枝並岐之

云后稱歧頤自求是謂好農蓋象角亢引春秋元命苞

先生云按詩大雅生民克岐克嶷岐嶷卽岐頤也岐

者頭骨隆起而岐出爲堯司徒宮鄭箋云后稷生而
嶷嶷然高故象角亢爲堯司徒宮鄭箋云后稷生而
名棄長大堯登用之使居稷官民賴其功後雖作司
馬天下猶以稷稱焉疏引尚書刑德放云稷爲大司
馬契爲司徒御覽二百九引尚書中候云稷爲大司
馬論衡初稟篇云棄事堯爲司馬居稷官故爲后稷

又主播種農植嘉穀

書呂刑植

堯遭水災萬民以濟

繫辭云曰柱之利萬民以濟

故舜命曰后稷

書堯

初烈山氏之有

天下也其子曰柱能植百穀故立以爲稷自夏以上

祀之周之興也以棄代之至今祀之

昭廿九年左傳云有烈山氏之

子曰柱爲稷自夏以上祀之周棄亦爲稷自商以來

祀之禮記祭法云厲氏山之有祀以爲稷鄭

注厲山氏或曰有烈山氏此合二書言之太姪夢

長人感己生文王御覽八十四引詩含神霧云厥相

四乳御覽引春秋元命苞云文王四乳爲西伯興於

岐史記周本紀云古公止於岐少子季歷生昌有聖

伯西伯曰文王說文云艷周文王所斷虞芮之訟而

始受命

史記劉敬傳云文王爲西伯斷虞芮之訟始

之訟而詩人稱西伯受命而斷虞芮之訟武王

御覽三百六十八引春秋元命苞云武勝殷過劉

詩成周道漢書律歷志云武王伐商紂水生木故爲

禮樂成姬之別封衆多管蔡成霍魯衛毛聃郟雍曹

滕畢原鄆郇文之昭也邗晉應韓武之穆也凡蔣邗

邗祚祭周公之胤也信廿四年左傳成作邗邗作邗

際周召虢吳隨邠方印息舊作自据路史國名紀五

疏引世本息國潘廣韻二十六桓潘字注云周文王

焉養滑鎬宮密榮丹郭信五年左傳云虢仲虢叔王

封東魏制是也號叔封西魏號公楊逢管唐韓楊

是也按號公信二年公羊傳作郭楊逢管唐韓楊

見後紀十載姬國有陽在楊上上文楊字蓋卽陽之

譌此楊字當从手襄廿九年左傳云虞號焦滑霍揚

韓魏皆疑狐晉語云狐欒甘鱗虞鱗當作鮮昭十

姬姓也觚氏出自唐叔欒甘鱗虞鱗當作鮮昭十

伐鮮虞范甯注鮮虞姬姓白狄也疏云世木文王氏

鄭語云北有衛燕狄鮮虞韋昭注鮮虞姬姓國王氏

國名紀後紀王作主以主爲國名按皆姬姓也有神

太子晉之後爲王氏見志氏姓篇按皆姬姓也有神

龍首出常羊感任嬀引帝王世紀云神農氏母曰任

嬀有喬氏之女名女登爲少典妃遊於華陽有神龍

首感女登於常羊生炎帝又引孝經鈞命決云任已

感龍生帝魁注云魁生赤帝魁隗身號炎帝世號神

神農名已或作嬀生赤帝魁隗身號炎帝世號神

農代伏羲氏淮南子時則訓云赤帝祝融之所司者

漢書律歷志云易曰炮犧氏沒神農氏作以火其德

承木故爲炎帝教民制農故天下號曰神農氏其德

火紀故爲火師而火名

昭十七年左傳

是始

舊作以依斲木下文例改

爲耜揉木爲耒耨日中爲市致天下之民聚天下之

貨交易而退各得其所

易繫辭按揉木爲耒耨與釋文或木同

後嗣慶

都與龍合婚生伊堯

初學記九引詩合神霧云慶都與赤龍合婚生赤帝伊祁堯按

隸釋帝堯碑云帝堯者其先出自塊隗翼火之精有神龍首出於常羊

伊堯成陽靈臺碑云昔者慶都兆舍穹精氏姓曰伊

游觀河濱感赤龍交始生堯淮南子修務訓高誘注

堯毋慶都蓋天帝之女寄伊長孺家年二十無夫出

觀於河有赤龍負圖而至奄然陰雲赤龍與慶都代

高辛氏其眉八彩

御覽引春秋合誠圖御覽八十引之

世號唐

漢書律歷志云帝堯封於唐蓋高辛氏衰天下歸之木生火故爲火德天下號曰陶唐氏

漢夫論

書

月

作樂大章

白虎通云堯樂曰大章

始禪位

孟子云唐虞禪

武王克殷而

封其冑於鎬

禮記樂記云武王克殷反商未及下車而封帝堯之後於祝鄉城劉昭注祝或為鎬

漢書郡國志濟北郡蛇邱有鎬鄉城劉昭注周武王未及下車封堯後於鎬案鎬祝聲相近淮南子儗真

訓治工之鎬器高誘注鎬讀如唾祝之祝合始吞赤珠尅曰玉英生漢龍

感女媧劉季興

藝文類聚九十八引詩含神霧云含始吞赤珠刻曰玉英生漢皇後赤龍

感女媧劉季興也尅與刻同史記高祖紀索隱引王符云太上皇名煇此書無之蓋小司馬誤也漢書律

歷志云漢高祖皇帝伐秦

大電繞樞炤野感符寶生

黃帝軒轅

藝文類聚二引河圖握矩起云大電繞樞是炤郊野感符寶而生黃帝御覽七十九

符作附初學記九引詩含神霧同代炎帝氏其相龍

大戴禮五帝德篇云黃帝曰軒轅代炎帝氏其相龍

顏庭陽上法中宿取象文昌戴天履陰秉數制剛其

德土行

史記五帝紀云有土德之瑞漢書律歷志云易曰神農氏沒黃帝氏作火生土故爲土德

以雲紀故爲雲師而雲名

昭十七年左傳

作樂咸池

白虎通云黃帝

樂曰咸池

是始制衣裳

繫辭

後嗣握登見大虹意感生重華

虞舜

御覽八十一引詩含神霧云握登見大虹意感生帝舜史記五帝紀云虞舜者名曰重華其

目重瞳

御覽三百六十六引春秋元命苞云舜重瞳子是謂滋涼上應攝提以象三光御覽多誤

字据白虎通聖人篇訂正事堯堯乃禪位曰格爾舜天之歷數在

爾躬允執厥中四海困窮天祿永終

論語格今作吞厥作其乃

受終於文祖

書堯典

世號有虞

漢書律歷志云帝舜處虞之媯汭堯瀛以天下

火生土故爲土德天下號曰有虞氏

作樂九韶

白虎通云舜樂曰蕭韶呂氏春秋古樂篇云舜

乃令質修九招六列六禪位於禹武王克殷而封胡英以明帝德招與韶同禪位於禹武王克殷而封胡

公媯滿於陳庸以元女大姬

禮記樂記云武王克殷反商未及下車而封帝

舜之後於陳襄廿五年左傳云庸以元女大姬配大胡公而封諸陳王先生云大姬下脫配之二字

星如虹下流華渚女節夢接生白帝摯青陽世號少

皦

初學記十引河圖云帝摯少昊氏母曰女節見大星如虹下流華渚既而夢接意感生白帝朱宣御

覽引帝王世紀云少昊帝名摯字青陽按漢書律歷志以摯爲黃帝子青陽子孫與此異代黃帝

氏都於曲阜

定四年左傳封於少皞之墟杜注少皞虛曲阜也帝王世紀云都曲阜其

德金行

漢書律歷志云土生金故爲金德天下號曰金天氏

其立也鳳皇適至

故紀於鳥鳳鳥

舊

氏歷正也玄鳥氏司分者也伯趙

氏司至者也青鳥氏司啓者也丹鳥氏司閉者也祝

鳩氏司徒也雉鳩氏司馬也尸鳩氏司空也爽鳩氏

司寇也鵠鳩氏司事也五鳩鳩民者也五雉爲五工

正利器川夷民者也

昭十七年左傳鳳皇作鳳鳥利器用下有正度量一句又云九

扈爲九農正扈民無

是始

舊作作書契百官以治萬

民以察

繫

有才子四人曰重曰該曰修曰熙實能金

木及水故重爲勾芒該爲蓐收修及熙爲玄冥恪恭

厥業世不失職遂濟窮桑

昭廿九年左傳無恪恭厥業句

後嗣修紀

見流星意感生白帝文命戎禹

戎舊作我御覽八十

禹自帝精以星感修已山行見流星意感栗然生奴

戎文命注云奴禹氏禹生戎地一名文命按御覽引

帝王世紀及宋書符瑞志紀並作其耳參漏御覽八

已孝經鈞命決作紀亦見御覽其耳參漏注云謂禹也白

虎通聖人篇云禹耳三漏是謂大通與利除害決河

疏爲堯司空

書堯

主平水土命山川

書呂刑命

畫九

州制九貢功成賜玄珪以告勳於天

書禹貢珪今作圭說文云古文

圭从玉

舜乃禪位命如堯詔

論語云舜亦以命禹

禹乃卽位作樂

大夏

白虎通云禹樂曰大夏

世號夏后

漢書律歷志云伯禹虞舜始以天下土生金故

爲金德天下號曰夏后氏皇侃論語義疏引白虎通云夏以揖讓受禪爲君故喪之稱后后君也又云夏

得禪授是君與之故稱后也

傳嗣子啓啓子太康仲康更立兄弟

五人皆有昏德不堪帝事降須洛汭是謂五觀

楚語土壘

口啓有五觀章昭注五觀啓子太康昆弟也觀維汭之地書曰太康失國昆弟五人須於雒汭按漢書古

今人表下中太康注啓子兄弟五人號五觀下上中康注太康弟按太康仲康不在五觀之數此并言之

蓋孫相嗣位夏道浸衰於是后羿自鉏遷於窮石因

夏民以代夏政滅相妃后緡方娠逃出自竇奔

襄四年左

傳作

於有仍生少康焉爲仍

爲仍舊作仍
妃据傳改

牧正

按襄四年

傳以代夏政下即接待其射也滅相乃泥事見哀元年傳傳文滅夏后相至爲仍牧正在伐斟鄩下此文敘事有羿恃已

其傳作

射也不修民事而淫於原獸棄

武羅伯因熊髡虓圍而用寒泥泥柏

傳作

明氏讒子

弟也柏明氏惡而棄之夷羿收之信而使之以爲己

相泥行媚於內施賂於外愚弄於

傳作

民虞羿於田

樹之詐匿

讀爲

以取其國家外內咸服羿猶不悛將

歸自田家衆殺而烹之以食其子子不忍食諸死於

窮門靡奔於有鬲氏泥因羿室生澆及豷恃其讒厲

本書懸皆作匿按爾雅釋訓諛諛謂諛崇諛懸也釋文云懸諸儒並女陟反言隱匿其情以飾非是讒隱正當為讒匿此詐偽而不德於民使澆用師滅斟灌

及斟尋氏也查於過處澆於戈按傳瘡澆當易置使椒求少

康逃奔有真為之胞正胞傳作庖按胞庖古通用列子楊朱篇庖丁為文惠君解牛釋文云

胞本作為庖莊子養生主篇庖丁為文惠君解牛釋文云胞崔本作胞庚桑楚篇湯以胞人籠伊尹釋文云

胞本又作庖漢書百官公卿表少府屬官有胞人東方朔傳館陶公主胞人臣偃顏師古注並云胞與胞

同王方伯云禮記祭統云夫祭有興輝胞翟闞者又云胞者肉吏之賤者也亦以胞為胞虞思妻

以二妃傳作姚而邑諸綸有田一成有衆一族能布其

德而兆其謀以收夏衆撫其官職靡自有鬲收二國

之燼以滅泥而立少康焉乃使女艾誘澆使后杼誘

獯

后傳作季杜注季
杵少康子后杵也

遂滅過戈復禹之績祀夏配天

不失舊物

夏道浸衰以下本喪
四年哀元年左傳

十有七世而桀亡天

下

史記三代世表云從禹至桀十七世夏木紀集解
徐廣曰從禹至桀十七君十四世漢書律歷志云

夏后氏

繼武王克殷而封其後於杞

禮記樂記云武

世十七王

或封於繪

周語云有夏雖衰杞繪猶在
車而封夏后氏之後於杞

又封少皞之胄於祁

王先生云祁當作祁昭十七年
左傳祁子來朝昭子問少昊氏

鳥名官何故邦子曰吾祖也我知之繼培按路史
國名紀二少昊後有祁國卽承濤夫論誤本言之澆

才力蓋衆

漢書鄒陽傳云衆不可蓋顏師古注蓋覆
蔽也項羽傳云力拔山兮氣蓋世季布傳

云布弟季心氣

驟其勇武而卒以亡故南宮括曰羿

善射鼻盪舟俱不得其死也

論語暴
與澆同

姒姓分氏夏后

有扈有南斟尋汭辛衷費戈冥繪皆禹後也

史記夏本

紀論云禹爲姒姓其後分封用國爲姓故有夏后氏有扈氏有男氏斟尋氏形城氏衷氏費氏杞氏繪氏

辛氏冥氏斟戈氏索隱云系木男作南尋作那費作非而不云形城及衷又斟戈氏左傳系本皆云斟灌

氏此文裏舊作襄據史記改戈上無斟字疑脫汭汎不見於史蓋卽形城之誤

白感女樞幽防之宮生黑帝顓頊

御覽七十九引河圖云瑤光之星如

蜺貫月正白感女樞幽房之宮生黑帝顓頊初學記九蜺作蜺又二引詩含神霧云瑤光如蜺貫月正白

感女樞生顓頊此云搖光如月其相駢幹九引春秋

元命苞云顓頊併幹上法月參集威成身號高陽世紀以理陰陽三百七十一引作駢幹身號高陽世

號其工禮記祭法云其工氏霸九州鄭注在太昊炎

日其工氏伯九域言雖有水德在火木之間非其序也任知刑以憑故伯而不王淮南子原道訓云共工

與高辛爭為帝兵畧訓云其工為水害故顓頊誅之
按共工為顓頊所誅不常襲用其號漢書律歷志以
高陽為有天下號此云身號亦異昭十七年廿九年
左傳共工氏此並以為顓頊事或出左氏家傳說也

代少暉氏其德水行

漢書律歷志云金生水故為水德

以水紀故為

水師而水名

昭十七年左傳

承少暉襄九黎亂德乃命重黎

討訓服

楚語觀射父云少暉之衰也九黎亂德顓頊受之乃命南正重司天以屬神命火正黎司

地以屬民使復舊常無相侵瀆服上疑脫不字訓與馴同史記索隱云史記馴字徐廣皆讀日訓訓順也

歷象日月東西南北

下有脫文大戴禮五帝德篇云顓頊乘龍而至四海北至於幽

陵南至於交趾西濟於流沙東至於蟠木作樂五英

動靜之物大小之神日月所照莫不砥礪

英當作有才子八人蒼舒隕凱擣演大臨虓降庭堅

仲容叔達齊聖廣淵明允篤誠天下之人謂之八凱

文十八年左傳饋凱作饋數禱演作擣戴八凱作八
愷按說文戴字下引春秋傳擣亦从手志氏姓篇演
作戴與共工氏有子曰勾龍能平九土故號后土死
傳同

而為社天下祀之昭廿九年左傳蔡墨曰共工氏有

工氏之伯九有也其子曰后土能平城簡吞燕卵生

九土故祀以為社此合二書言之

子契史記殷本紀云殷契母曰簡狄有城氏之女為

之因孕生契契長而佐禹治水有功封於商賜姓子

氏御覽八十二引尚書中候云玄鳥翔水遶卵於流

城簡拾吞生契封商注玄鳥燕也翔水遶於水上
城氏也簡簡狄也契毋名商國名詩云天命玄鳥降
而生商是也禮記月為堯司徒職親百姓順五品書
令鄭注亦稱城簡為堯司徒職親百姓順五品書
典顧今作遜殷本紀作訓淮南子人閒訓扶都見白
五品不慎御覽五十九引淮南子作不順扶都見白

氣貫月意感生黑帝子履御覽八十三引河圖云扶

帝湯注云詩含神霧同御覽

其相二肘

御覽八十三引雜書靈准

聽云黑帝子湯長八尺一寸連珠庭臂二肘又引春

秋元命苞云湯臂二肘是謂神剛按論衡骨相篇亦

云湯臂再肘白虎通聖人篇作三肘御覽三百六十

九引元命苞又云湯臂四肘藝文類聚十二引元命

苞初學記九引帝王世身號湯世號殷漢書律歷志

紀宋書符瑞志並同

金生水故為水德天下號曰商後曰殷孟致太平後

康曰初契封商湯居殷而受命故二號

衰乃生武丁卽位默以不言思道三年而夢獲賢人

以爲師乃使以夢像求之四方側陋得傅說方以胥

靡築於傅巖升以爲大公而使朝夕規諫恐其有憚

怠也則勅曰若金用汝作礪若濟巨川用汝作舟楫

若時大旱用汝作霖雨敢乃心沃朕心若藥不瞑眩

厥疾不瘳若跣不視地厥足用傷爾交修余無棄故

能中興稱號高宗武丁以下見楚語無大字及帝辛而亡天

下謂之紂史記三代世表武王封微子於宋禮記樂

殷之後於宋鄭注投舉徙之辭也時武王封紂子武

庚於殷據所徙者微子也後周公更封而大之按史

記殷本紀云周武王崩武庚與管叔蔡叔作亂成王

命周公誅之而立微子於宋以續殷後宋世家同

封箕子於朝鮮史記宋子姓分氏殷時來宋劫蕭空

同北段皆湯後也史記殷本紀論云契為子姓其後

空桐氏稚氏北殷氏日夷氏索隱云按系本子姓無

稚氏北殷氏作髦氏又有時氏蕭氏黎氏按稚氏即

潛夫論卷第八終

古字通髦氏隱元年左傳疏引世本作比髦